

ياللي سايبني

يا اللي سايبني وباع قلبي

قول لي الأول بعثي ليه

يمكن قلبي يعرف غطه

يعن أسفه وترضى عليه

هو بسهل العشرة تهون

هو بسهل القلب يخون

ما انت عارفني أبيع الدنيا

ولا قلبك إنت عليا يهون

أول مرة أشوف القسوة

في عينك ظاهرة

أول مرة القلب يحسّ معاك بالقهرة

حاسس القلب الطيب

غَيَّر اسمه لصخرة

قبل ما تقتل قلبي ببعدك

قبل ما عينك تعلن ليّا

قساوة قلبك

اعرف إن انا قلبي غريق ومالوش غير شطك

قلبي صحيح سنّ مالهُوش سنّك

بس كثير اتعلم منك

قلبك كان أستاذ

يا معلم قلبي دروس بدروس

علم قبي معنى الحب

بس نسيت

تعلم قلبي اللي يبيعه

ازاي يقسى عليه ويدوس

علم قلبي إن الدنيا بحالها جميلة

بلون الفجر

بس نسيت تعلم قلبي دروس الغدر

لسه انا فاكر درس الحب بكل ما فيه

الدرس اللي بإيدك علمته وجاي بغدرك تمحي ما فيه

لِفِّ بلاد الدنيا بحالها

شوف مين غيري راح يخلص لك

ولما الدنيا تحطّ بحالك

ارجع تاني لبرّ أمانك

ياما غصبتني الدنيا بحاله

ا على نسيانك

ياما عايرتني بمزّ كلامك

هارمي كلام الناس ورا ضهري

وافتكر الحلو في أيامك

لسه انا قلبي برغم قساوتك سايبه أسيرك

ولا حسسته بغدرك ليا

ولا حررته يعيش مع غيرك

